



11. september 2007

Inatsisartut Suleriaasianni § 36 imm. 1 tunngavigalugulu Naalakkersuisunut apeqquteqaatinik makkunanga saqqummiussaqaarniarpunga:

Naalakkersuisunut apeqquteqaatit:

1. **Namineq akilerlugu qaffasissumik ilinniagaqartarnek pisortat akiligaannik qaffasissumik ilinniagaqartarnermut naleqqiullugu, tamanna Naalakkersuisut qanoq isumaqarfigaat?**
2. **Timmisartumik ingerlatitsisutut ilinniagaqarneq amerlanertigut ilinniagaqartut namminneerlutik akilerlugu ingerlattarmassuk Naalakkersuisut tamanna pissusissamisoortutut isigivaat, tassami timmisartumik ingerlatitsisutut atorfeqarneq inuiaqatigiinnut pingaarutilittut inissisimammatt, aammalu timmisartumik ingerlatitsisut nunarsuaq tamaat isigalugu amigaatigineqarmata? Tamanna pissusissamisoortutut isigineqarpat, taava tamatumunnga suna pissutaava? Tamanna pissusissamisoortutut isigineqanngippat, taava Naalakkersuisut aaqqissuussineq tamanna qaqugu allanngortinniirpaat?**
3. **Timmisartumik ingerlatitsisutut ilinniarneq Naalakkersuisut inuutissarsiutinik ilinniarnernut allanut ilaalersinneqarnissaa pillugu Naalakkersuisut pilersaaruteqarnerlutik, tassa tamatuma kingunerisaanik ilinniarneq ilinniakkat sinnerisut atugassaqaartinneqalissagaluarmat, soorlu assersuutigalugu kigutit nakorsaattut ilinniarnermi atugasaritit eqqarsaatigalugit? Tamanna pilersaarutigineqarpat, taava tamanna qaququmut pilersaarutaava? Pilersaarutigineqanngippat, sooq tamanna pilersaarutigineqanngila?**
4. **Ilinniartut ilaasa qaffasissumik ilinniagaq tamanna pisortanik akiliunneqarlutik ilinniarnissaannut periarfissaqarsimasut, kiisalu ilinniartut allat taamatut periarfissaqaartinneqarsimannngitsut pillugit Naalakkersuisut ilisimanninnerlutik?**

(Inatsisartunut ilaasortaqaq Palle Christiansen, Demokraatit).

Tunngavigisaq:

Apeqquteqaatigisannut tunngavigisakka paasiuminartutut isigaakka. Atuagassiami Take-Off-imi atuarneqarsinaavoq timmisartunik ingerlatitsisunik amigaateqarneq annertusigaluttuinnartoq, uangalu isumaga naapertorlugu inuiaqatigiinni ingerlalluartuni timmisartunik ingerlatitsisut pingaarutilittut inissisimasut. Taamaattumillu timmisartumik ingerlatitsisutut ilinniarneq ilinniartup namineq akilerlugu ingerlattaraa paasillugu ajuusaarutiginnngitsuunngilara, tassami taamatut aaqqissuussisimanerup kingunerisaanik inuusuttut maani najugaqavissut ilarpassui ilinniagasamut taama pingaaruteqartigisumut, pitsaatigisumut piukkunnartigisumut pilerigineqartigisumullu periarfissaannik mattunneqarmata, tassami inuusuttorpassuisut ilinniagassamik taamaattumik ingerlatsinissamut namminneerlutik aningaasaliinissamut periarfissaqanngillat.



DEMOKRAATIT
DEMOKRATERNE

Kalaallit-nunaanni inuiaqatigiit qaffasissumik ilinniagassarpasuit akilertarpaat, tassa ilinniakkat ilaat ilinniakkanut allanut naleqqiullugit inuiaqatigiinnut pingaaruteqarnerusutut inissisimasarlutik.

Uangalu isumaqarpunga qaffasissumik ilinniagassat inuiaqatigiinnut pingaarutilittut inissisimasut inuiaqatigiinni ilinniagaqarniartunik kikkunnilluunniit ilinniarnissaannut periarfissaqartinneqartariaqartut, taamaattumillu timmisartumik ingerlatitsisutut ilinniarneq pisortatigoortumik akilersorneqartunut ilaatinneqartariaqartoq isumaqarpunga.

Apeqquteqaatit tiguneqarneriniit ullut suliffiusut qulit qaangiutsinnagit akineqarnissaat kissaatingeqarpoq.